

debita litterarum ipsarum apostolicarum executione, omnia et singula suprascripta vobis universis et singulis suprascriptis et vestrum cuilibet in solidum intimamus, insinuamus et notificamus et ad vestram et cuiuslibet vestrum notitiam deducimus, et deduci volumus per praesentes. Vosque nihilominus reverendos dominos et archiepiscopos, episcopos, electos, administratores, abbates, priores, praelatos, capitula, conventus, ac clerum civitatum et diocesum terrarum, castrorum, villarum et locorum Reipublicae illustrissimae Venetorum mediate vel immediate subiectos et sub ipsius dominio et ditione consistentes, caeterasque personas ecclesiasticas, saeculares et regulares ordinum et militarium quorumcumque, non tamen Hierosolimitani et B. Mariae Theutonicorum exemptas et non exemptas in praedicto Dominio beneficia ecclesiastica obtinentes et fructus beneficiorum huiusmodi etiam ex reservatione aliquarum annuarum pensionum habentes cuiuscumque preeminetiae, status, gradus, ordinis et conditionis existentes, et vestrum quemlibet tam coniunctim quam divisim in solidum tenore praesentium, et auctoritate Apostolica suprascripta qua fungimur in hoc parte, requirimus et monemus, primo, secundo, tertio et peremptorie vobisque nihilominus et unicuique vestrum, in virtute sanctae obedientiae reverendis dominis archiepiscopis, episcopis sub interdicti ingressus ecclesiae. Aliis autem inferioribus excommunicationis et aliis de quibus in litteris ipsis Apostolicis poenis et censuris ecclesiasticis in capitula vero et conventus ac collegia suspensionis a divinis poena, in quam vos et vestrum quemlibet si ea quae vobis et unicuique vestrum tam coniunctim quam divisim comittimus et mandamus neglexeritis, seu distuleritis contumaciter adimplere, canonica monitione praemissa incurrere volumus, districte praecipiendo mandamus quatenus infra sexaginta dierum spacium post harum publicationem et affixionem per quemcumque nuntium, iuratum, aut notarium publicum faciendas ad valvas Cathedralium et aliarum principalium et insignium ecclesiarum, civitatum, locorum et castrorum Domini praedicti immediate sequentes. Quorum LX dierum, XX pro primo, XX pro secundo et reliquos XX dies vobis universis et singulis suprascriptis et cuiuslibet vestrum pro tertio et peremptorio termino ac monitione canonica assignamus, unam, veram et integram decimam ex omnibus et singulis fructibus, redditibus et proventibus quorumcumque cathedralium et metropolitanarum alio-

rumque ecclesiarum, prioratum, monasteriorum, et beneficiorum ecclesiasticorum saecularium et ordinum quorumcumque regularium, etiam militarium, non tamen S. Joannis hierosolimitani et Beatae Mariae Teutonicorum in Dominio et ditione illustrissimae Reipublicae Venetorum, ex fructibus bonorum beneficiorum huiusmodi etiam ex reservatione aliquarum annuarum pensionum per totum praesentem annum 1527 percepturis, per vos et unumquemque vestrum nobis vel alicui nostrum aut subcollectoribus per nos deputatis et deputandis, ac in locis designatis, et designandis exsolvere et satisfacere debeatis per vos vel alium seu alios. Certificantes vos omnes et singulos sic monitos, quod nisi mandatis nostris huiusmodi imo verius Apostolicis parveritis, et quilibet vestrum paruerit realiter et cum effectu satisfactionem praedictam debitam, ut supra, impendendo nos ad declarationem poenarum, sententiarum et censurarum huiusmodi et ad poenas graviores, invocato etiam ad hoc, si opus fuerit, auxilio brachii saecularis aut alias, prout ex forma ipsarum litterarum Apostolicarum nobis iniungitur procedemus, pro illarum debita executione et Sedis Apostolicae obedientia ac Serenissimi Principis et illustrissimi Domini prelibati reverentia, vestra aut alicuius vestrum inobedientia in aliquo non obstante. Ne autem de praemissis aut aliquo praemissarum aliquis vestrum ignorantiam praetendere aut allegare quomodolibet valeat, mandamus praesentes ut supra publicari et affigi ac affixas dimitti. In quorum fidem praesentes fieri iussimus, et per praebiterum Nicolaum Moravium plebanum ecclesiae Sancti Geminiani Venetum notarium et in huiusmodi causa coram nobis scribam subscribi nostrorumque sigillorum impressione muniri mandavimus.

Datum Venetiis, in palatio Patriaricali, die Veneris XVII mensis Maij 1527. Presentibus dominis praebiteris Bartholomeo de Laude, et Dominico de Bonamicis camerariis prefati reverendissimi domini Patriarcae, testibus ad haec habitis, vocatis et rogatis.

(L. S.)

Praebiter NICOLAUS MORAVIUS notarius
mandato subscripsi.

*A dì 18. La mattina fo gran pioza. Da Chioza 81')
fo lettere di sier Domenego Lion podestà, di*

(4) La carta 80 * è bianca.